



«MOTTAKERNAVN»
«ADRESSE»
«POSTNR» «POSTSTED»

Trondheim, 31.05.2017

Dykkar ref.:
[Dykkar ref.]

Vår ref.:
2017/1432

Sakshandsamar:
Geir Rune Rauset

Skadefelling av jervetispe med ungar i Langfjellet i Alta kommune, Finnmark Region 8, 2017

Miljødirektoratet set etter eige tiltak i verk skadefelling av jervetispe med ungar i ynglelokalitet J-NFI-027 Langfjellet i Alta kommune, rovviltregion 8. Miljødirektoratet v/Statens naturoppsyn (SNO) er ansvarleg for gjennomføring av fellingsforsøket. Skadefelling vert gjennomført for å hindre skade på tamrein og sau.

Tiltaket er heimla i lov 19. juni 2009 nr. 100 om forvaltning av naturens mangfold (naturmangfoldloven) § 18 fyrste ledd b) og § 77, jf. forskrift 18. mars 2005 nr. 242 om forvaltning av rovvilt (rovviltforskriften) § 13 jf. §§ 1 og 3.

Vi viser til vurderingane våre i "Grunnlag for skadefelling av jerv i Noreg 2017" og "Beslutning om uttak av jerv av eget tiltak i deler av region 8 - Finnmark" datert 20. februar 2017 (tilgjengeleg på www.miljovedtak.no), inklusive lovgrunnlag for tiltaket, skadepotensiale og bestandssituasjon for jerv.

På bakgrunn av ei heilskapsvurdering av situasjonen pr. i dag vurderer direktoratet at det ikkje ligg føre noko anna tilfredsstillande løysing i det aktuelle området enn ekstraordinært uttak av jerv. Skadepotensiale for tamrein og bufe er gjeve avgjerande vekt i vurderinga. Bestandssituasjonen for jerv, nemnda si prioritering av aktuelle område for uttak og geografisk differensiert forvaltning er andre moment som direktoratet har vektlagt i si vurdering. Eit slikt uttak vert vurdert til ikkje å vere til skade for jervebestanden si overleving, eller å kome i konflikt med det nasjonale bestandsmålet for jerv, jf. Innst. S. nr. 174 (2003-2004) og rovviltforskriften §§ 3 og 4.

Ut frå vurderingane ovanfor og med heimel i lov 19. juni 2009 nr. 100 om forvaltning av naturens mangfold (naturmangfoldloven) § 18 fyrste ledd b) og § 77, jf. forskrift 18. mars 2005 nr. 242 om forvaltning av rovvilt (rovviltforskriften) § 13, jf. §§ 1 og 3, set direktoratet av eige tiltak i verk uttak av jerveynghing innanfor nærare avgrensa område i Finnmark, region 8.

Følgjande vilkår er knytt til iverksetjing av felling:

1. Mordyr av jerv med ungar kan fellast innanfor ynglelokaliteten "J-NFI-027 Langfjellet" i Alta kommune, Finnmark.
2. Miljødirektoratet v/Statens naturoppsyn er ansvarleg for gjennomføring av fellingsforsøket. Fellingsforsøket vert gjennomført i tråd med fastsett *Instruks for det statlige fellingslaget ved uttak av vilt*.
3. Vedtaket gjeld i tidsrommet 21 - 28. mai 2017.
4. Miljødirektoratet kan til ein kvar tid trekkje tilbake løyve til felling.

Et slikt uttak av eige tiltak er ikkje eit enkeltvedtak, og forvaltningsloven sine klagereglar kjem ikkje til bruk, jf. naturmangfoldloven § 18 tredje ledd.

Dette brevet vert sendt til Rovviltnemnda i region 8, Fylkesmennene i Finnmark og Troms, Alta kommune, Finnmark politidistrikt, Klima- og miljødepartementet, Landbruks- og matdepartementet og Mattilsynet.

Løyve til felling vart gjeve i epost og kommunisert per telefon til SNO 20. mai 2017. Perioden vart seinare utvida til å gjelde fram til 28. mai 2017. Den 27. mai felte SNO jervetispe og to ungar i den aktuelle ynglelokaliteten.

Helsing
Miljødirektoratet

Dette dokumentet er elektronisk godkjend

Susanne Hansen
fung. seksjonsleiar

Geir Rune Rauset
rådgjevar

Tenk miljø - velg digital postkasse frå e-Boks eller Digipost på www.norge.no.